

A Monthly Christian Magazine


AN ORGAN OF THE ZOU PRESBYTERIAN CHURCH SYNOD

Khristian Tangkou

ယဉ်ကျေးမှုအဖွဲ့ တီထွင်ရေးဌာန

Vol. 58 || No. 9

September, 2022



Editor: Rev. Khamchinkhai

Synod Kumpuon:

KEMTU GIN-UM

[I Korin 4:2]

Khristian Tangkou

Vol. No. 58 || Issue No. 9 || September, 2022

A sung thu

Editorial Board

Editor	: Rev. Khamchinkhai	- 8730933744
Joint Editor	: Rev. Dr. Hangpi Maunlun	- 9862910875
Cir. Manager	: Upa Jamsianmung	- 9862086615
Bus. Manager	: Upa Kamgenpau	- 8974612937
	Ms. Niangkhanmang	- 8787560139
	Nh. Tracy Niangsuannuam	- 8731863384
	Nh. Suanneiching	- 8787790520
Cont. Editors	: Rev. Awnkankhup	- 9383114081
	Rev. Zamlianpau	- 7629978067
	Rev. Lamsuanthang	- 7005723755
	Upa Khupsuankham	- 8974119307
	Upa Khaiminlian	- 9612479417
	Upa Thangzasuan	

ZOU SYNOD ULIENTE

- **Moderator:**
Rev. G. Mangmuanthang
- **Moderator Elect:**
Rev. Thangboi Khuongsai
- **Secretary (Sr):**
Upa Chinsuanthang
- **Secretary (Jr):**
Upa Siendeithang
- **Treasurer:**
Upa M. Sianzahau
- **Statistician:**
Upa T. Hauzalam
- **Executive Secretaries:**
Rev. Khamchinkhai
Rev. Dr. Hangpi Manlun

- Editorial..... 01
- Thu tuomtuom & Thumpi ding 03
- I Thugin leh Sacrament..... 04
- Thuhil thei ding na hita uh 08
- Neh thalaw Belampu 10
- Khanglaite a ding in 11
- Hattuum vaihawmna dawkan 12
- Serampore University i pom zieh... 15
- Hagau chi ni kidou zing 16
- Suunna..... 20
- ZPYF Column 22
- ZPWF Column 23

Copies - 1200

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



Quest Editorial

KHRIST DOUDALTU GAMSA (ANTI-CHRIST) LEH 666

(Text: Kihilna 13:1-6; 11-18)

- Rev. Stephen Khupsianlal

A*nti-Christ* kichi Khrist doudaltu khu Rapture zou chieng in hing kilang pan ding hi. Rapture zouchieng in Tribulation Gimthuohna gimnei mama khu kum sagi sung a dai ding a (Daniel 9:27), tam hunsung in Kihilna in agen Pasion Gawtna Chiemtena sagite, Pengkul sagite leh Hengkuong sagi te zousie khu leitungah atung ta ding ahi. Tualeh Anti-Christ khun leitung ah vai ahawm ding a, tualeh a chiemtena 666 khu hawm in umta ding hi.

Anti-Christ khu mihing khat ahing hiding a, atahsa khu Setan in zang ding hi. Rapture a pangkhalou nuasia um mihing tamtah te khun anua azui ding uhi.

GAMSA (ANTI-CHRIST): Gamsa or Anti-Christ khu Kihilna 13:1 khun 'Gamsa lutang sagi leh ki sawm nei' achi a, Daniel 7:8 khun 'Ki te lah a ki neu khat hing poudoh leh sil thupi tah tah gen kam khat nei' achi a, 2 Thessalonika 2:3-4 akhun 'Khelna mipa mangthang tapa, ama leh ama kitawisang leh Pasion biehinna a Pasion bang a tou dingpa' achi kia a, tualeh Mathiu 24:15 khun 'Sumangthaipa kidah huoi' achi ahi.

Anti-Christ khu koipen ahing hidiei chi koima'n theilou hi. Mi tamtah te khun Adolf Hitler, Pharaoh, Nebukadnezzar, Alexander, Kaisar leh Nepolean te khu hiding in ana ngaituo uhi. Anti-Christ khu koi himawng ding ahiei chi pen genthei ahisih a, nanleh Rapture zouchieng a U.N.O President a pang ding pen pen khu Setan in leitung namchin tunga thuneitu hiding a hing zang ngei ding in agintat huoi mama hi.

Rapture zouchieng a Setan mizah Anti-Christ in 666 lanuom loute agawt ding dan Bible in agendan ngaituo in lutang tansah ding chi ahizieh in Islam sahkhuo biehma zui Muslim te hing hiding inzong gintat huoi mama ahi. Muslim ten abieh uh Allah khu 'Buoina pasian' chia kithei ahiban ah gawtna abawl dan uh lawltan sah ahizieh in Anti-Christ khu Muslim te hing hiding in gintat huoi mama mai hi.

GAMSA CHIEMTENA (SETAN NUMBER) : Gamsa chiemtena 666 khu mihing tahsa tung mun bih te ah kibawl ding hi. Kihilna 13:16 akhun, "Aman mi zousie aneu alien, azawng ahau, saltang leh noplen hitaleh, akhut zietlam uh ahiei, ahisihleh atal pang uah chiemtena abawl pieh chiet hi," kichi hi.

Leitung a min tuom tuomte khu aki sut chieng in gamsa chiemtena (666) toh kibang a sutkhiet zong ana um zel ahi. Hinanleh tamte khu Anti-Christ ahi uh chi na ahisih ahi.

Pope lukhuh akhun Latin ham a kigiel 'VICARIUS FILII DEI' kichi a um a, tuakhu 'Pasian thakhel in' chi na ahi. Tam khu Roman numerals a sut ahichieng in 666 hing pha hi. Tualeh Muslim helpawl ISIS ten atal ua puan aga pen uakhun Arabic ham a kigiel laiteng a um a, tuate khu Greek ham a kigiel 666 laiteng toh kibang kichi kia hi. Tuaban ah Muslim te pasian 'Allah' zong khu 666 in sutkhiet in um kia hi.

Gamsa chiemtena 666 khu adieh in van kileituona lam sil toh akisai ahi. Chiemtena neilou te khun bangma aleitheh sih ding ua, zong azuoh thei sih ding uh ahi. Kihilna 13:17 akhun "Tua chiemtena ahiei, gamsa min ahiei, ahisihleh amin nambat ahiei, neiloute pouma in a leithei sih ding ua, azua thei sih ding uhi," kichi hi.

Kihilna 16:1-2 akhun Gamsa chiemtena neitute leh alim bemite tunga himasie nasetah mai leh kidahhuoi tah um ding ahidan kigen hi.

Pasian in Ama lim leh mel sun a ahing siem mihingte tahsa tunga Setan number um ding khu Mangpa a dinga thangpai huoi mama ding ahizieh

alatute zousie tungah suhdamtheilou natna kidah huoitah tung ding hi. Tuamai hilou in Second Coming hun ah Mangpa Jesu'n athat nalai ding ua, Gawtmun-Meidiil ah alut nalai ding uh ahi (Kihilna 14:9-11; 19:20).

Rapture a pangkhalou ten Anti-Christ amaituo ta ding ua, vangam lut theina ding lampi umsun khu gamsa chiemtena lalou a, alim belou a lawl tansah khu hing hita ding ahizieh in hamsa mama ta ding hi (Kihilna 20:4).

Tribulation gimthuohna hun akhun Anti-Christ khu thuneipen ahita ding a, Rapture hun a pangkhalou zousie tungah hepina mawng mawng neilou in vai ahawm ta ding ahi. Tam hun sung akhun 666 lanuom louthe khu tha ding in order suo ding hi. Ama be ding leh a chiemtena la ding in michin ahing phut ding a, alanuom louthe athat ding a, a latuten atahsa tung uah himasie kidahhuoitah anei ding ua, gawtmun ah alut nalai ding uhi.

Gingtu piengtha zousie te khun Tribulation Gimthuohna hun ahing tun masang in Rapture Ni chieng in lahtou in aki um man ta ding hi (1 Thessalonika 4:16; 2 Thessalonika 2:3-8).

Hepina Hun sung a ium pet ua Mangpa Jesu Khrist khu Mang leh Hundampa a kipom kin ding khu sil poimaw tah ahi hi.



Thy tuomtuom
leh
Thumpi dingte



1. Pasion lungsietna tang in September ha i tung tou kiata ua, tam tan a hing pui Pasion min phat in a kungah kipah thu i gen uhi. September ha ahi toh kituoh in kum chin a i bawl uh **Sepguol** bawl chiet ngei ding in i kinem ua, tam Sepguol hun sung in Tahsa-Hagau a khantouna leh guolzawlna i tan theina ding un thumna toh theitawp suo in pang chiet va ui.

2. I Calendar ua um leh kum chin a i zah zel uh **September 10** khu Pasion hoina zal in **Zou Presbyterian Church Synod** i mu ni uh ahi toh kituoh in Pasion kung a kipah thugenna leh Ama guolzawlina i tan theina ding un a mapuina ngenna ni in Hattuom chinten eima lemtan bang zel in zang chiet va ui.
3. Synod Year Planner a um bang in maban a i Vaiguonte uh i thumna uahn lan chiet va ui.

<i>No. Particular</i>	<i>Date</i>
1. Sepguol	September 2022
2. Synod Day	September 10, 2022
3. Nipi Sang Kumtawp Laivuonna.....	September 18, 2022
4. Sepguol kisuhtuo (District lieng).....	September 24-25, 2022
5. District Khawmpi PYF	Sept. 30 to Oct. 02, 2022
6. Zou Nampi Thumkhawm Ni	October 13, 2022
7. District Khawmpi PWF.....	October 14-16, 2022
8. District Khawmpi.....	October 21-23, 2022
9. Annual Audit	November 07-11, 2022
10. Presbytery Khawmpi.....	November 04-06, 2022
11. Synod Khawmpi	December 01-04, 2022
12. Khristmas	December 25, 2022

~~~~~

## I THUGIN UH LEH SACRAMENTTE UH TOH KISAI HATTUOM MEMBERSTE THEI DING A PULAHNA

*- Rev. Dr. Hangpi Manlun*

(Thugin siengthou in a deite khu mite hil in”. (Tita 2:1).

### 1). Thugin umzie:

Thugin chi khu Latin ham in ‘credo’ chi a kipat a lah ahi a, tuakhu ahileh thuhilna amaw zilsahna (teaching) china ahi. A umzie ahileh ‘Ka gingta’ (I believe) china ahi. Tualeh, Sapham in ‘doctrine’ amaw ‘creed’ a kichi hi. Greek ham in ‘dogma or ‘pisteuein’ a chi uhi. Tualeh, thugin khu thudih leh hoi, sahkhuo leh hinkhuo puihuoina diing a mi’n thudih ahi chi-a, a pomdet u’khu ahi. Jack Rogers in “Thugin khu zilsahna in a kentel thu a hi a, Khristiante dingin Pasion thu in ang zilsahte khu ahi” a chi hi.

Hattuum dinchil lai a, a thugin masa pen uh ahileh, “Jesu khu Mangpen” a hi chi ahi. Hattuum chin teng in, i Thugin ding ua i pawm u’leh zui ding i neichiet uhi. Tuabang ma in, eima hattuum peidan leh Pasian thu i pawmdan u’toh kituoh a gelkchieh/siemkchieh khu “Thugin puonkchieh” (confession of faith) a kichi hi. Ei Presbyterian Church of India (PCI)- in thugin puonkchieh sawm (Ten Articles of Faith)- i neite ua, tam i thuginte uh khu Bible ban a tahsa leh hagau hing puitu ding a inei uh leh i zui uh ahi.

Bible, Hattuum leh Thuginte khu khu zangthum a kihuoel khawm bang ahi uhi. Tualeh, thugin in hattuum mite kalsuon ding dan ahil a, a langkhat lamah hattuumte khu thugin kemtute zong ahi uhi. Tuabanah, Thugin hoitah nei a zui khu hagau lam-le-tahsa lam a ding in khanna diing a hagaulam ann hoitah ahi hi. Tualeh, thugin (doctrine) theina in ginna ah ang khangliensah diing a, tuaban ah Hagau hinkhuo ah hausatna zong ang pe diing hi.

Ahin, eite khun i doctrine-te u’khu thei kisawmlouin, i kim i pan ua midangte tawndan leh hinat bang ingaisang zaw uh a bangta hi. I doctrine leh i kipuoi huoidante uh i ngaisahlou laisia uh tahsa hagau a i khang tahtah sih ding uhi. Tuabanah, gingtu piching leh Hattuum piching zong i kichithe sih ding hi.

## **2). Sacramente umzie.**

Sacrament chi hamkam khu Latin ham a ‘Sacramentum’ chi apat lahsawn

ahi-a, a umzie khu sil zatat-huoitah a zah/mante genna ahi. Tualeh, Baptisma leh Mangpa Nitah Ann tungtang genna hamkam diing in ‘Sacrament’ ana zahna jieh u’khu, Latin Bible (Vulgate)-ah, tami hamkam ana zah jieh uh ahi pen hi. Silkhat pouma umzie thuhtah nei leh giltah neite genna in tam hamkammal ana kizang leng hi. Sepaiten, gin-umna thuchiem (Kasam)-a nei uh genna in zong ana kizang leng hi.

Khrist i Mangpa un Sacrament a gente khu chini bou ahi ua - Baptisma leh Mangpa Nitah Annte ahi uhi. Tamte khu thu nnasem diing a dihtah a teldoh a namdette bou in a bawlthei giep uhi.

## **3). Tu-in sacrament ni i neite lah ua Baptisma (Sacrament)-thu igen ding uhi.**

3.1). Thuhun Lui (Khristian)-te um masang ua Baptisma thu:

Baptisma chi khu Greek ham in ‘Baptizaw’ apat lekhiat ahi. A umzie khu ‘Tui a sil’ ahisihleh ‘Tuithe’ leh ‘Phum/die’ chite ahi uhi. I Bible uh Thuhun Lui khu Thuhun Thakingahna ahi. Azieh ahileh, i doctrine uh leh sahkhuo thute u’khu Thuhun Lui ah a lim a guong ding na kigenin, Thuhun Tha ah ang bukim zelzel hi. Khristiante um masang adieh in, Thuhun Lui lai in zong, Baptisma lim-le-guong a kimu hi. Sawltah Paul in Israel tate meipi (cloud)-nuoi a, a um u’leh Tuipisan a kan thu u’khu Khristiante Baptisma toh a gente/tekhin a, Khristiante Baptisma lim bang in zong a gen hi (I Kor.10:1-2).

Tualeh, Peter in zong Nouva hun lai a 'Tuisang let' lai a mi giet, (8)-Nouva-te innkuon hundam a umte khu Khristiante Baptisma toh kibang in a gen hi (I Peter 3:20).

3.ii). Jesu'n Baptisma a tan thu:

Mangpa Jesun zong leitung a, a nnasep dingte apat masang in, Jordan lui ah Johan kung ah Baptisma ana tang hi (Matt. 3:15). Tam bang a 'dihtatna subbukim ahoi hi' (Mat. 3:15) a chi hi. Jesu'n, a khielnate ngaidamna diing in Baptisma a tan ahisah a, mikhielte nna asepsah theina diing in a dinmun u'leh ahina dihtah uh a theipi theina diing in, Baptisma a tansah ahizaw hi. Tualeh, Mangpa Jesu in, Baptisma a tanlai in sillamdangtah thum a ang kilah hi. Tualte ahi leh, - Van ang kihong a, - A tung ah Hagau Siengthou vakhu bang in ang tuong a, tualeh, Van apat in aw ging in 'Tam ka Tapa deitah ahi' chi in ang puong hi. I gensa bang un, Baptisma khu Mangpa Jesu ngei in ana phu leh ana suhdet ahi chi lei zong i chi khiel sih ding uhi. Tuabanah, Jesun baptisma atanlaiin Pasian a mithumte ang kilang a, tam khun Pasian a mithum (Trinity)-te umdan zong agen chien hi.

**4). Koi min a baptisma i tanding uh e?** Jesu Van a, a pei diing kuon in a nuazuite kung ah "Gam chin ah pei unlen Nam zousie ka nuazui in siem unlen, Pa, Tapa leh Hagau Siengthou min in Baptisma bawl un" (Mat. 28:19). "Agingta a, baptisma tangtapouma hundam in a um va uh" (Mak. 16:6)-chite i mu uhii. Tam thupieh khu zui in Hattuum masate leh

tunitan a gingtute'n i bawl zing toupeh uhi. I gensa bang un, Mangpa Jesu'n a nuazuite kung ah "Pa, Tapa leh Hagau Siengthou min in Baptisma bawl un" chin thu apie hi (Mat. 28:19-20). Tamnah, Pasian a mithum (Trinity) ang kilang hi.

A hin, Nasepte 8:16; 10:48; 19:5- te ah, Jesu min a Baptisma mi khenkhat in a tang uh chi i mu hi. Tuaziehin, tam thu khu gendan tuomtuom a um thei hi. Tualeh, Nasepte gieltu Dr. Luk in "Jesu min in Baptisma atang uh" achi a, ahin Baptisma tanlai a phuiteng sam uh ahithu agen sih hi. A gen ut pen khu a tangte in, 'Jesu khu Mang leh Hundampa' in a pomta uh chi ahibou uhi. Tualeh, Peter in zeng a suhdam lai in zong "Nazareth Jesu min" in achi hi. Baptisma thu ahileh, tambang in Peter in abawl sih hi. Tualeh, tam hun lai in Jesu khu Pasian ahidan puonzahna khat a, angai zieh u'zong ahithei hi.

Ahin, ei Presbyterian hattuum leh hattuum tamtahn Jesu min hilouin, Pasian a mi thum. Pa, Tapa leh Hagau Siengthou (Trinity)-min in baptisma i tang un zong i tangsah uhi. Ahin, Jesu min a baptisma tangsah ahileh unau UPC, CJC, leh adangdangte ahi ua tamkhu I doctrine uh kibahlouna uh ahi.

**5) Baptisma khu khatvei maimai tan diing ahi:** Mangpa khat, ginna khat, Baptisma khat, bangkim Pasian leh Pa khatbou a um hi (Eph. 4:5-6). Tuajiehin, baptisma khu damsung a khatvei tan diing ahi a, tulai gindan dihrou khenkhatte'n, amau pawldan



a tangloute adem ua, Vangam kailou diing pou in agen uhi. Tuaban ah, a pawl ua lutte baptisma a tangtha sah zel uhi. Tam khu pawl suina lel ahinuom mama hi.

**6). Baptisma tan khu hundam na ding ahisih a hundam tate chiemte ahibou hi.**

Baptisma khu hundamna i tanna diing ua i tan diing uh ahisih a, hundam taten hundamna itan ziehua itan ding uh ahizaw hi. Pienthana etsahna, namdetna, leh puongzahna chiemtenate ahi. Mangpa Jesu ngel in a mite chiemtena (seal)-diing leh Hagau sil poimaw a tanna uh hi diing in ana siem a, ana namdet ahi. A umzie khu Sepai training zoute'n sepai tahtah ahitheina diing ua, kichiemna (Kasam/gawsam)-anei bang uh ahi.

Jesu min amaw, Trinity min a baptisma tangloute Van gam kailou ding a gen pawl aum uhi. Tam khu gindan dihrou i chi thei ding hi. Nang-leh-ken baptisma i tanzieh a hundam tanding hileh Jesu Khross a, ashi ngailou ding hi. Hundamna khu eite nnasep toh leithei ahisih a, ginna a Jesu hundamna i pawm ua, hundamna i tan nua ua chiemtena i tan ding uh ahizaw hi.

**7). MANGPA NITAH ANN (HOLY COMMUNION)**

Mangpa Nitah Ann (Holy Communion)-khu hattuumte silbawl/zah poimaw khat ahi. Ma Mangpa Nitah Ann” khu Mangpa shina thei zingna ding a Annpheng leh Grape tui nehkhawm leh dawnkhawmna ahi.

**7.i). Ang umna jieh leh aphutkhetu:** Mangpa Jesu khu a shi diing kuon in anuazuite toh Peikan kut annkuong a im ua, ann aneh lai un Mangpa Nitah Ann (Sacrament)- ang siemkheta hi. Tami, Sacrament tungtaang a thupiehte khu Khantanhoi bute leh Korinth laihahte a i mu uhi (Matt. 26:26-29; Mak. 14:22-25; Luk. 22:17-20; I Kor. 11:23-36). Tami, Bible tangte apat in Mangpa Nitah Ann khu Mangpa Jesu siemkhiet ahingaina chi akilang hi. “Nang theizingna diing un tam khu bawl zing leng un:” a chibang ngei in, hatuom masate a kipat tunitan in i bawlzom zing uhi.

**8). Mangpa Nitah Ann toh kisai a gendan tuomtuomte:**

8.i). Mangpa Nitah ann (I Kor. 11:20). 8.ii). Kipawl na siengthou (Holy Communion), 8.iii). Kipathu genna (Eucharist) ahi. 8.iv). Kithoina (Sacrifice):

**9). Mangpa Nitah ann i nehna ziehte uh:**

9..i). Mangpa shina jieh a hundam i hi uh i theizingna diing un (Luk. 22:19). 9.ii). Jesu Khrist kithoina Pasian hing pieh ahi (I Johan. 1:3). 9.iii). Jesu Khrist khu i gintat ua i pom jieh uh (Late 116:12). 9 .iv). A shina khu i hundamna diing uh ahijieh in (Heb. 10:10; Eph. 2:4)- chite ahi uhi.

**10). Mangpa Nitah ann nedingte thei diingte:**

10.i). A khelnate uh a kisia diing uhi (IKor. 11:28; Joel 2:12). 10..ii). Hinna tha a hin diing uh ahi (Rom 6:5).

10.iii). Khrist amau ua dia akipiehna khu apoimawtahzet uhi chi a kithei diing uh (Mak. 10:45; Johan 10:11). 10..iv). Kipahtah a Khrsit shina a theizing ding uhi (Rom 5:8; Kih. 1:5). 10.v). Mizousie a it/lungsiet diing hi (Matt. 5:44; I Pet. 1:22)- chite leh a dangdangte ziehte ahi uhi.

**11). Tulai Siempi nnasepna theikhelnate.**

Tulaiin zilsahna dihloou leh theikhel lien tah ahileh mizousie te siempu hina leh sel-le-sang (sacraments)-te bawlthei a kizilsahna ahi. Amaute pansia ahileh Mangpa Jesu Khross ashilain Jerusalem pindan a kideidan puonkhu a kehtahziehin koima siempu umtalouin i bawn un siempu i hita uh chi ahi. Tamin a gen nuom ahileh nidanglai a hundam hina ding

a siempute tungtawn a kum chin kilatna ngainawnlouin Mangpa Jesu i hundamna ding ua ang shitah ziehin midang tungtawn hinawnlouin eiman i khelnate kisie in hundamna ding in Pasian kung zawttheina ineita uh china ahi.

Ahin, sel-le-sangte bawl ding in hattuomten Pastor leh Upate khawmpi thuneina leh lemsahna toh i tel ua, amauhten tamte bou a bawlthei giep uhi. I hattuom un Baptisma leh Mangpa Nitah ann sieng (Sacrament)-te bawl dingin Pro-pastorte nangawn in bawltheina thaneina ipie sih ua, tualeh pastor khat in zong midang biel ah a pastorpa theipina jaulouin i bawl sah sih uhi. Tambang in umzie neitah in i peipi uhi.



# THUHIL THEI DING NA HITA UH

(Hebrute 5:12).

*Upa Thangzasuan  
Kanaan Veng*

**A**hunlam ngaituo in vang thuhil thei Shiete (sinsahpa) nahi uh hunta ahi. Hinanleh, Pasain thubulte hiltha kia ding mi na poimaw nalai uhi. Ann gum hilou nawitui na kiphamaw tha uhi. Tamna Hebru mite kunga sawltah Paul laihah bilvah huoitah mai leh lungphawngtah mai u-le-nau, lawm-le-guol ngaitah mai, Hattuomte kung ah siem sih nanleng gensawn ka ut mama hi.

Sawltah Paul in agen mabang in, ahun lam i ngaituo leh i gam a Gospel hinglutna kum za valta hi. Tualeh, eima pawlpi ngel zong khu kum sawmguh kivalta hi. Tualeh a mimalmal te zong kum tampipi Pasian thu awite i hita uhi. Hinanleh thuhil thei ding, kium nailou banah, Pasian thubulte, hil kingai nalailai bangzieh ata dieile? Kum tampipi Pasian thu i

awi nua a, pientha kia i sawm uleh bangchi pichin thei ding la? bangchi chieng a Pasion nna i sep ding uh ata dieile? Rapture in hing lap manta lou ding i?

Laisiengthou Kolossa 3:10 na in mihing tha nahita uhi. Tua mihing tha khu, theina nei a, angsiempa bahpi a siemtha in a um hi, achi hi. Tualeh, 2 Korin 5:17-na ah zong agenkia a, “Mi koizong Khrist a aum leh silsiemtha ahita hi, silluite abeita a, ngai un ahingtha ta uhi”, achi hi.

Ei Hattuumte pen gingtute i kichi uhi, a umdan khu Pasion thu Bible a kigente, gingtate, tahsangte china ahi. Tuazieha mihingtha nahita uh, achi pen i gintat ding uh. Piengtha i hiding uh, piching i hi dinguh Pasion nna isep ding uh ahi.

Ei gingtute pen mutheilou, gintatna toh kalsuonte i hi uhi. Tuazieha Bible a Pasion thu kigente i gintat ding uh, i tahsan ding uh i pomkip ding uh. Pasion ta i hiding uh, ngaidam sa i hiding uh. Hundam tate i hidinguh ahi. Hinanleh, pawl khat te pen muthei in apei uhi. Tuate pawl in mihing tha nahita uh achi pen pawmlou un, eima ma i pientha ding achi uh ahi (pientha sangin gintat ahoizaw hi, chi a theiban sih uhi).

Tuaban ah I Peter 2:9- Vah lamdangtah a lut dinga miela

kipan a noute hing handohpa phat nate, na puonzah theina dingun noutepen Namtel, Lengsiempu, Nam siengthou, Pasion deituom Ama mite nahi uhi, achipen muthei a peiten gingtalu uhi. Tuazieha ei mama ki susieng ding chia, zatep, tuibuuh, kuva a ngawl uh ahi. Hinanleh eite pen Pasion in Namtel, Lengsiempu, Nam siengthou Pasion deituom ama mite in ahing na bawlta hi. Hallehluia Amen.

Tunia ka gen utpen khu muthei a peiten, piengtha lou in ang koi ua, a sienglou in ang koi ua, ang kiginglelsah ua, Pasion mai ah ang maingal sah sih uhi. Tuazieha thugen ten zong nah gen ngamtalou apawlam genlou a sungah zong ki za zoulou, tuazieha mipkala den i hi uhi. Tuaziehin bil nei tapou zah dingin ka gen ahi. Muthei a peite kisubuo i sah nawnsih vaui. Eitepen mutheilou, ginna a peite, gingtute, a gingtate i hibou uhi. Tuaziehin Pasion thu Bible a kigente ginta in, tahsangta in, muongngamta inlen, kisuongla nawnsin, Khrist Jesu a um a, khelna dan zuilou a hagau dan a umte a dingin siemmaw tansahna mawngmawng a um nawnsih hi. Romte 8:1. “A tatkhelna uh lahmang a umte leh, a khelna uh ngaidam a um mite ahampaha uhi. Mangpan khelna nei a, asimloute ahampaha uhi”, (Romte 4:7). Mi hampha tawpte i hi uhi.



# “NEH THALAW BELAMPU”

By:- Upa Khupsuankham

**Keiman** ka dawng a, “I lamkaite atavai gam ua; kipui huoi dan ding Mangpa a dong sih uhi. Tuazieh a lawsam ahi ua, tuachiengin i mipite akithazah sieng uhi” (Jeremiah 10:21).

Chingtu leh kemtu, vengtu hina khu dinmun poimaw leh mopuona lien mama ahi. Nachin/nakep khat na chinla a nakepla a na sietsah leh na tungah mopuohna atulien mama ding chi musa hai. Mopuohna lah a zong sildang Sangin mihing tahsa leh hagau lam hinkhuo hoina leh phatna ding a mopuohnate alien deu dieh ding a zauhuoina lam ah genlei zong azauhuoi zaw ahi.

Jawlnei Jeremiah in, Israel tate tahsa leh hagau lam a adinmun uh asiet dan amu hi. Tahsa lam dinmun ah itna, deisahna, homsiemna atamsam ua, mani kihisahna lam a alut ua, Hagau lam ah Pasion toh kala apalai uleh alamkaite uh siempuliente leh dansiem syeten apui uh mipite apuila uhi. Pasion danthupiehte a zomla ua, Pasion abela ua, thu khat leh khat poujou aj Jawlnei tungtawn a Pasion doh ding adonsela uhi. Pasion a dohlou ziehun asepnah uhi a khangtou sih a, masonla in ginna lam ah aiemsuh uhi. Tuachiin a Belamte u’zong hagau ann khamla in anguisuh suh ua, halna, kinepna, thanopna chite neilou in aum ua, tuachia lungsim

awnga aumpet chiengun leitung sildang in alungsim uh aluo didmta a, tuachiin tahsa in taizah vateh sih nan u’leh zong lungsim leh ginna ah Pasion apat in ataizah ta uhi. Ei Hattuumte leh Hattuum lamkaite’n zong tami thute i etphat uh ngai ding hi. Lam tampi ah atung a i Bible tangtel u’toh i kibahna uh um leh kilawm mama hi. Hattuum sung ah leh Level tuomtuom ah lamkaitu/makaitu i um ua, tua lamkaitute khu apuitu uh hoina leh sietna a mawpuohtute ahi uhi. “Bemapui amaw ua, Mangpa adong ngai sih ua, tuaziehin ma asawn sih uhi. A Belamte uh akithazah siengta.”

Lungkham huoina khu a din mun ahi. Mikhat in Bawngchon khat ching hen len a bawng chin teng taimang ta le uh alung akham ding hi. Sang sye khat in asang inn sunga anaupang teng sangkai toptaleh lungkham ma lou ding i? Tualeh, i lousanpa khat aloulai a buga anga teng giel in khe bei taleh anui ding amah? Na innsunga a ta leh nau na nei sunteng hillou saplou in amau thuthu in vahmang chiet

in vahmang ta chiet u'leh koipa e, koinu e khoosalou aum thei ding? Tambang dinmun ah neitu hina mawpuoh kisa pouma in khohsa in ahoina ding ngaituo in NINNGAL mama ding uhi. Neitu kisa leh mawpuoh kisa khat poupu in Jere. 10:21 tobang dinmunte akitheimaw bawl thei sih ding hi. Nahsah lou in umvang chilezong alungsim giltah in aphal theisih ding hi. Shi leh kho sih, mang leh kho sih chi aum tah leh lah Johan 10:12-13 nate bana "Nehthalaw Belampu" in amawpuohna feltah a zaw asawm a, anua ama gasuo suohlou pen akan mawng sih a, ga-in hit leh zong khoh اساسih hi, alaw amutah ziehin.

Pasian nasem ichite khun hibanga lungsim pudanga pan khah a neh thalaw Belampu hi ding pen chizathuoi mama hi. Tahsa sil ah gentalei halaw sanga nasem

khat poupu NEHTHALO a sem ahi. Halaw sang nehthalaw sem hitama lei zong ei hing siempa leh hundampa i Pasian un kemtu leh nasemtu hi dinga eihatna thute ingaituo phat uh kiphamaw mama hi.

Tunglam a pata hatna in ma i kipuisah ding ua, tuazou chiengin nasemtu khu law mutah ahi, chi thu ah kium chiet leh idinmunte uh dihthei kha ding hi. Pasian in himi nasem dingin keima hing han hi na chi ei aw leh ka mawpuohna kazaw a ka mupou leh huntah na chi ei, itangtel ua Jeremiah in agente khu tunglam HATNA ana gelkhoh khah loute nasepna hileh kilawm, tunglam hatna ngaikhoh khalou Belampu khu nehthalaw Belampu ahi.

Mangpa'n athu guoljawlta hen, Amen.

~~~~~

KHANGLAI TE DING IN

*By:- Upa Nengzachin
Muallum*

I Pasian mapuina na leh umpina toh Khanglai ni ZPYF Day bang itung tou kia thei ta ua, lungdam um isa ua Pasian in loupina pahtawina tengteng tangta hen.

Khanglai ihi hun in hun manpha itan lai tah uh ahi hi. Koima Khanglai ihi hun ngailou koima um lou hi. Bang kimteng gel hun leh chance inei lai tah uh ahi. Ahoi lam ah ahoi lou lam i tel thei hun uh ahi. A dieh in Pasian thei a tel ten lawchinna anei thei uhi. Thuhiltu 11:9. Khangtha te aw na khangdawn zal uh kizou un achi hi. Na khangdawn lai in Mangpa

gimnam leh akinepna na hiei mawh ki en in len kivel in na hun hoi lai bangma lou a man thei lou na suo khathei hi. Pro. 1:7-9 napilna ding in Mangpa ging masah pen in mimaw ten pilna azatat sih ua zong a sin nuom sih uhi.

ls .s :s l- .s :fe.sls :s
 Khanglaite Mangpa kinepna
 Khanglai nu leh pa kinepna
 Khanglai na hun ahoi lai in
 Khanglai Manpa ding gimnam tui

ld' .d' :d' l- .s: s, .t ld' :- l- .
 A dei lam bawl ding hing chi
 Nu thakhel Pa thakhel ding
 Na hinkhuo ding kingai tuon
 Mangpa thei pilna bul hi.

ls .s :s l- .m :r .rlr :s : -
 Na hinkhuo lunggel um lou a
 Na innsung alungkim nai mah
 Khuo dah in ahing kikhelman
 Mangpa lungdamna nahi leh

ld' .d' :r' .s' :r' l.r' :d' l- : -
 Bang ding a mawh um na hiei
 A tha in ki gel tha in
 Ahun a um na lai hi
 A man hing nuasie lou ding

ld' .r' :m' l- :- m' m' .d' :m' l'r'
 Khanglaite aw na khanglai hun

lr' d' : r' l- :- .d' :m' .d' :rls
 Lunggel hun kisah khol hun hi

ls .s :r l- :- .d' :d' .r :sld'
 Na hinkhuo hoilam na zui dung

ld' .r' :m' .d' :r' :rld'
 Ki tel in a kikhel man

~~~~~

# HATTUOM VAIHAWMNA DAWKAN (Church Court)

- Upa. T. Mangnou

Simtute Jesu minin itna chibai: Atamzaw'n i thei sasa tobang hiphiei maleh, singtaang lam leh laibu tam louna mun vela um, dei banga laisim zou lou i upate u'khuolna danin tam article (Hattuum leh akemtu)-khu sim thei lei a ut huoi hi.

Ahimhimin, i kibuiphuna Jesu Khrist leh Bible a i kihaaltaah banah Pastoralia toh kihaaltaahlou, hattuum lamkai tamna munah puitu ding theina tahsap ziehin nawnkaina tapi aum thei a, tuate laha hing kemit ding

khu Constitution bu, Pastoralia, Khuttawibu, Nupa Danbu etc.-te ngaikhawh leh kinngai mi, lamkai hi sawm ding khu Church Court-in aphut ahi. Azieh pen Hattuum vaihawmna dawkana tou lamkai khatin kipuihuoina dante thei

sih tamawh leh gammang ding ahi. Tournament a, Judge ding (Amphire) khu 'Football rule teng theisiem mi ahi sihleh' chi toh igente thei a, poimaw mama ahi.

Space toh gamtaa i hi ziehin i article ah lut pai mai va ui.

## 1. MEMBERSHIP (Hattuom mi hi-na)

1. Dan zoukim: (Baptisma tang, ginna leh Sakhuo-na a mi piching, kitelpina a vote neithe, Sacrament ngaisaang, Sawmakhat leh silpieh dangdanga kihil pilsa, numei, pasal, kum 14 apat atung lam te. Constitution in alompi'n agen mai a, tu a igen dan nounel leh i zahdan zuia genna ahi (Constn.Bung II.1.a(i)).

2. Hattuom min Bupi a mintuong, Dan zoukima lahlut nailou, numei pasal, kum 13-14 mite. Tam zong atunga bang ma ahi (Constn.Bung II.1.a (ii)).

3. Piching, naupang, Hattuom min bupi a mintuong, Baptisma tang loute. Tam zong atung a bangma ahi (Constn.Bung II 1. A (iii)).

## II. THUHUNNA (Disiplinary Action)

1. Thunun: Tam kammal khu 'Disciplinary Action' chi ahi a, tua khu shina chinglou, ha

guh sung etkchiehna dan ahi. (Constn.Bung III.1.d (i). Lahlut kia thei dan (Bung III.b.(ii). Tam thununna thuoh thei ding te khu: Tuolthat, Aangkawm, Numei pasal tunga thangat, Aisaante, Gingtute biehna toh kituoh lou biehna siengthou lou pouma leh Synod in agam toh kituoh a sil hoilou chia aphallou bawlte ahi ding hi.

2. Nawsuo: Tamte khu Sap hamin 'Ex-communicate or remove from membership, (Hattuom mi hi-na tawpsah) china ahi. Tam bang te khu No.1-na banga a kisia kia chienga kingetna toh lahlut kia thei chibang ahi sih a, hawlkhie, hattuum sung apata nawdoh thaw-te genna ahi kia hi. (Constn.III.1(b) (iii). Nawsuo (Hattuom mi hina tawpsah) thei ding te khu:

## III. Hattuom phallou sil: Constn. Bung III.2.(a)

i). Milim bie. ii). Dihlou taha sum bawl na leh iii). Neh leh dawn: Kani/Ganza, Zudawn, Zu huon, Zu zua leh khamthei dangdang bawl mi te or Hattuom lungvai sah khopa thunun hamsate ahi dieh hi. (Synod phallou Bung III.1 (a)).

## IV. UPA TEEL DAN: (Upa chitna leh teel dan) Laimai 26-28

1. Constitution in Hattuom

member upa nei thei ding za (strength) detail in agen sih a, hun beisa lain, dan zoukim 15/20 zela upa khat ngen thei ding hisap dana ngaidan tangpi na um ahi a, PCI-in Synod population tam dan leh tawmdan zila abikhieh khu palai kisawl thei dan ahi a, tuami et-in Zou Synod-in danzoukim 50 zelah palai khat sawl thei ding achi toh et-in, dan zoukim 50 zelah upa khat nei thei ding chi a hisap thei in aum hi. (Constn.Bung V.C.4; Upa chitna leh teel dan laimai 25.Para 3 en in.

2. Upa teel kumin, teel chingin; teel ching lou talezong, kum kizawnin Upa angen thei sih hi.
3. (a) Kitelna: Presbytery in upa ngetna apom pieh te kungah teltu ding guotdan khu Siempu, Pro.Pator leh Upate apatin mi 2 or asanga tamzaw asawl ding hi.
- (b) Teel theina ding a danzoukim zat: Hattuum sunga danzoukim umza akim khat tei aum ding ahi chi ithei chiet ta uhi. Quorum afel thei na ding in danzoukim umzate laha kiteel huna um theilou (out of station), paikhiein, aum thei ding a hisap teng laha 50% atangiin akibawl zel hi. Amavang, bawldan kibangkim

lou mai thei.

- (c) Chin thei na ding: Teeltu danzoukim se 3suo se 2 a teel ching ahisih leh koima teelching a puon thei ahi sih hi chi zong ithei chiet ta uhi.
- (d) Upa leh Tuol Upa-te: LCC member (Tuol upa) kitel chiengleh simple majority toh kiteel uhi. Amavang, Upa khat sanga tamzaw teel ding ahi chiengleh, tuol upa te teel banga simple majority himawh loua, 2/3 vateeh ahi toh kizuiin, upa quota khat khu khatvei vote khieh chi bangan mite'n abawl zaw ua, eite'n vang tua bang tawndan izui nai sih ua, etkai lawm leh poimaw tah ahi thu ngaituo thei in aum hi.

(Note: Upa teel dinga kisawl te'n: A teel na ding hattuum LCC. Meeting call in, upa teel na ding vai teng LCC toh thu aphiel khawm ding a, upa Candidate ding asiem ding a, tuachia det taha candidate kisiem sa te'n mani dei thuin withdraw abawl thei sih ding hi. (Upa chitna leh teel dan: laimai 27.No.7) en in. Tualeh, Jesu thakhela a hattuum enkol dinga hata um mi taphotin i hagau lam makai, Bible banah, kipuihuoina laibute ngaisangin nawang kai lou leh maam taha hattuum makai thei ding in Mangpa'n simtute zousie pilna guon ta hen.



## BANGZIEH A SERAMPORE UNIVERSITY I POM SESE AHIEI?

I Synod/Hattuum mai hilou a, PCI tan pha in zong Pastor ding in Serampore university nei a zilte bou kipom hi. Tukhang ah Khanglai tamtahte Laisiengthou zil ut a kibe lap tou jel a, hinanleh Serampore college te pen azil man tam thei mama ahina ah, azil man tawm zaw na munte zuon zel ua, Bible zil ahipou leh mun khat pou pou hoina va chi lunggel nei tampi um hi. Hinanleh ei Centralize Church, PCI te a ding in vang Univesity College lou pom thei ahilou dan thei siem poimaw mama hi. Tuaziehin Serampore Univesity a Laisiengthou zil chiet apoimaw dan tam anei a bang in en vai.

Serampore ichi pen University ahia, tuami nei a College tuomtuom 60 India pumpi ah um hi. Tualeh aniem pen Diploma in Worship and Music apat in asang pen Doctor of Theology tan um a, hinanleh Hattuum a Pastor hitheina dingin angiem pen khu Bachelor of Divinity ahita hi. Tam College te khu azil man zong atam a, alut zong ahasa mama hi. Siemzilna Acedemic lampan a khovel a chiemte tham a um khat zong ahia, Indian Government nei a Bible University Recognized umsun zong ahi. Serampore College in foreign College degree a pawmthei tawm mama a, tudinmun in khovel pumpi a College 37 apom thei hi.

Tualeh Serampore leh adangte kikhiehna ahileh Serampore College te Subject leh Syllabus kibang akizang hinanleh College dangte pen College te thaneina toh bawl ua, amau uh college deidan chiet akihil uhi. College paper aum a, Senate paper zong um a, Serampore College nuoi a Bible zilte a zil uh BD tan akibang uhi. College khenkhat ah direct in Master of Theology direct in zilthei sah valong ua, Serampore college ah secular Ph.

D. degrees zakhat neinan lechin zong BD a kipat ding BD a na grade ahoi sih leh Master degree/bawltheilou lai ding. Secular degree a koiman direct a Master a bawltheilou uh toh kibang hi. Master degree ziltheina din BD angiem pen second class 60% a mulou leh a ban ziltheilou ua, third class te a ding a damsung a maban sawntheilou a tuol tou den mai ngai hi.

Ei Presbyterian Church in Serampore degree bou ipomna zieh uh ahileh i constitution uah tuongngei ahizieh ahiban ah munkhat a semkhawm ding khu tuinah khat dawnkhawm ahisih leh doctrine a semtute ang kibahlou chieng un Hattuum ah kikhenna leh kituohlouna a piengsah thei a, igamua Hattuum khenkhatte kikehna zieh khu a zilna uh a kibahlou zieh ua, ama ua dihpen chia ang kibuo chiengin Hattuum chidamlou hi. Tuazieh a eiten Pastor din Serampore College a zilloute i constitution dungzui in kilatheilou himai hi. Ahin hagau mitna leh sepna lawchinna pen a mi zil ahi. Tuaziehin Hattuum sung ma a nasem ut a Bible zil ten Serampore College ma ah azil ut ahoipen hi.

Tuaban ah Serampore College a BD zouten direct in Master degree secular college te ah bawlthei ua, tualeh Serampore nuoi a BD college hong dingin Serampore College a Doctorate degree holder mi li bang aumlou leh hongthei va ia lou ua, ban ah laibu zong a nei ding uh volume anei ding za uh university in bihkhet sah a, tuazat neilou ten college ngel zong neitheilou uhi. Doctorate zilding in zong M. Th. a 60% a ngiem pen a mu ngai ahina ah Doctorate zil ding pen Academic Quality hoitah anei poimaw mama hi.

Tuazieh in Serampore University pen PCI in zong amohmai a apom poimaw mama hi.

ahisih a, Hagau lam mai hilou a, Laisiemna sangtah Academic Quality kisingsahna Hattuum lientah ki etkolna lam a vaihawm ding siemkhetna, kizilsahna kibang ahina a, hun saupi en a Hattuum damtheina ding a ahing pom uh ahidan thei lei uthuoi mama hi. Tualeh Serampore apat a hing zou khia mi khat pen val ngai nonlou hi. Pasion hing hat na tuomtuom um thei nanleh akizahna lamlam ah zah thei hizingt a a, mun teng ah Pasion nasep theina ding mun nei zing hi. Tuazieh in tamthuh theichien in Laisiengthou zil ut amaw zil mai hilou in ikizahna ding hoitah a ngaitua a zilna mun tel

# HAGAU CHI-NI KIDOU ZING HI

(Gal. 6:11)

- Kamsuankhai  
Awnchinkap Khuo

**D**awimangpa bawlsiem dan na zaw theina ding un Pasion galvan kim in ki thuom un. Pasion in a thu guolzawltha in a hagausiengthou sil bawltheina in michin lungsim ah thu hing guot in i ariticle uh hing thopzel taken Amen.

Amasa in Dawimangpa tanchin leh a bolsiem dan enphot va ui. Dawimangpa kichi khu Pasion siemsa mikhat ana hi hi. Pasion in ama khu ama sih leh tang a zat ding a solle le ding in ama nuoi a ding in a siem a, a silboltheina bangtan ahiei khat toh ama bang to bang phiel in asiem a, mihing hinna siemtheilou chauh in a bol kha a, sil lamdang a bol theina bangtan ahiei khat toh ama bang to bang phiel in a siem a, mihing hinna siemtheilou chauh in a bol kha a, sillam dang a bol thei a, mihing lungsim ah ana bawl thei a, mi khem siem na kul thu tah a nei a, sil sie lam pang sangpi tah in bawldan siemna a

nei a, mi shi kisan a kaithou thei a Pasion tapa chilou khemla anei sih hi. Dawimangpa khu tunia i gen nuom san chu ama pen Pasion in ana siem thupi seng kha a, aki liensah a aki pilsah seng a asiempa kisan nuoisie sawm in Pasion tung kisan ah kavaihawm ding chia a kisah lai in Pasion in ama veng ding a akoi Van sawlseing tampi a pieh te toh kimuong in Pasion dou a sawm na ah Gal in a kikat tuo ta ua, leitung pien ma in van ah satan Dawimangpa Hagau gillou pawl leh a siempa Hagau Van ah a u; m a, kum bangza ahiei khat van ah kidouna huoisetah ana um hi. Tuachiin-Pasion thahat in asiemsa Dawimangpa khu a zou ta a, apummat a galbawl a that mailou in a melmapa khu a elkelepa ia a, lei ah a paisuh a, lei a lah tulou van ah lah um ngam lou in Vanthamzawl ah busa in Pasion lam poumah dou deh a suh siet som in pan nasatah ala in tupna sangpi nei in silbawltheina a nei sun a Pasion mi te leh a silsiemte suhsiet teitei a sawltup lei tei a sawm hi. Tua a sil bawltheina in Eden hon a Pasion siemsa mihing Adam leh Evi sungah a lut a Pasion a dou ngal a Adam Evi leh a suon aha te khu Satan Hagau gilou in ang val a, Pasion umgui maigui bang a kikizopna uh khu

bottan in Ama Hagau gilou gui zam leh zop in Pasion hinna hing pieh i Hagau hinna khu hagau gilou in aval tumta ziehin Pasion a da mama tahi. Tuachiin Dawimangpa Hagau gilou sil sie pouma lam a bawldan siem in, them khat anei sun Hagau giloute khawmkhawm in Vantham zawl ah Committee na hielin a um ta uhi. Tuachiin khovel a Pasion a mihing te bang chilei eilam a pangsa thei ding e chi agenda pollut in committee abawl ua, hichi in agenda ang bawl ta uhi. Alah uah member khat hing ding in Pu Lucifer ken ngaidan khat nei in Gingtu Pasion mite sawlna ding in thumna nei a um chieng un leh akikhop chieng un sikha, thadam kinei in leiphit thei lei taizah va un hitasaima achia tuachi in Lucifer Chairmanpuin Hoi bou ven. Peiun len tua bangin va bawl ta un achia, tua chiin Hagau gilou pawl khat vapei in Pasion gingtute kipawlkhawm na mun senel suongsi ava the uleh zauseng in Pasion ah hathumin a thum ua a vasawl zou ta sih uhi. Tuabep in hing nua kia un a pu uh ahil ua apu in khosa in ada mama mai hi. Tua chi ahilai in Committee a hankia a members lah ah khat hing ding in Pu aw Pasion ging tute pen amimal khatkhat a khem lup sieng ding



guotui hungiep kum inbuhoina ah chiin puisom a tua bang a apui chieng a bu hausah dinginhuh a ki pan zu sah a zukham chieng a utut a hingham a zamoh kisan lousa dingin plan abol a vateng ta hi. Achi bang a tup bangun a lou bol na mun ah a kum leh guolzuh pen ann hoina toh kituo geigei in lou bol pan ann ang hauta a, a ann gaiseng lou zuo seng louin hagau gilounei pa hagau pilkhel tah pa in lou houpa zulam lunglutna a mop ta a, lou houpa zong zubol in ang ki pan t a a, zu a bol a kham ta a, zu kamnoptah a loite toh party abollai un a zinu in glass khat a palkha a, a louhou mihoipa khu zulungnopna toh hing hang in a loinu zamaw kisan lou in aham se ta a, hagau gilou sitna lam a silbol monei lou pa khut bengin a lam ta hil. Tua chi tuh a shan hagau gilou pen in silsia bol a tup leh sil boltheina anei a, mikhat in gillou na lungtang toh shi ngap ding in mihing lungsima sil abol thei hi. Tuabang khu Hagau gilou in Hagau sieng thou a doudan ahi

ta hi.

Tua chi ahina ah Hagau siengthou khu silhoi chin teng bol tha thanuom vot a itna a dim amelma pa it a khoi pan Hagau gilou a dan tam bang ahi. Setan in dou zel a som pen Pasion in a thei a, asiemsa mi doujawna ding in am a hagau mama silboltheipa hagau siengthou mama jah theina dingin hagau galvan hogausiengethou silboltheina hagau thalkuong hagau galvan toh dou a ngai ta a, tua hagau Pasion hagau in Hagau gilou man a atha thei ziehin Hagau gilou khu Pasion hagau toh dou jaw giep ahina ah Hagau chini a kidou zing ahi chi phawt va ui. Dou ding leh dou zel a kul hi. Sil bawlthei tah chini ki dou zing ahi.

Sietna chinteng bawl theipa hagau gilou khu Pasion Hagau toh dou a kul a Hagau siengthou neipa thu mang va ui. Pasion in athu guoljawl hen Amen.

*Simtute zousie Sepguol 2022 manphatah a zang chiet ding in Pasion in hing mapui chietta hen.*

**Sepguol Thupi : Kemtú Gínum**



## PHAMSA UPA M. HENKHOLUN

Upa M. Henkholun khu Phamsa Pu Sazachin leh Phamsa Pi Chinzavung te ta nga lah a a lina (4) ahia, March 10, 1946 kum in Sahum khuo ah ana pieng hi. 1965 in Upanu Lianzachin toh ana kiteng ua, goutan ta pasal-4 leh numei-5 anei uhi. 1986 in Thanlon khuo ECC ah Upa ordination ana tang hi. Khuainuai khuo ah aji atate toh kum sawtpi ana teng ua, January 12, 2012 in Khaunuai apat in ana pem in khuo a sat ua a khuo min ding in M. Khawlmoul ahisah uhi.

Ama ahileh gam leh nam ngaina mi ahia, mi lung sieng leh mi pawlnop mama khat ahi. A damlai in, District lieng, Presbytery (MEP) lieng leh Synod lieng ah zong mawpuohna tuomtuom puo in ginum tah in Manggam nna ana sem hi.

Vangsiet huoi tah in 2019 apat in Thahui natna nei in Doctor tuomtuom kietsah in damsienng zoulou in innmuon ah kep thei dandan a itna toh kep ahi lai in date September 2, 2022 jingmawng 10:35am vel in a ita ngai teng nuasie in a hing beisanta hi.

Tuachin September 3, 2022 in Rev. P. Ginzalal Zou, Bieltu Pastor in Khawlmoul hanmuol ah leivui a siem leivui suoh kia ding leh Pasian in thuna toh a kaithaw ding ngah ding in a vuiliemta hi.

Ama Upa M. Henkholun in a tangtawn mun a hing zot sanna tung ah Synod in zong i suun mama uhi. Mangpan a innsung mite hamuonna peta hen.

~~~~~



PHAMSA UPA KHUPZAVEL

Late Upa Khupzavel khu (L) Khupzaneng leh (L) Chongkhonem te gil aga goutan tapa tangkhat ahia, kum 1925 in Kamkeilon khuo Henglep Sub-Division Churachandpur ah ana pieng hi. Aman pienpi numei 4 anei hi. Kum 1938 in Kamkeilon nuasie in Aina khuo ah ana pmlut hi.

Kum 1952 in a Senzi (L) Nianhat d/o Soichin leh (L) Dimnuam te tanu tahpen toh kiteng in gil aga goutan tapa 3 leh tanu 5 anei uhi. Kum 2008 in a senzi in muolliem san in, Kum 2009 January in tua a zi Mrs. Chingkhanvung toh Rev. Khupkhansuan khut ah Dan Siengthou in ana kiteng ua, gil a ga goutan tapa-3 leh tanu-5 a nei uhi.

- 1948 in Assam Regiment ana lut hi.
- 1955 in Aina apat T. Daijang khua ah ana pmlut uhi.
- 1958 in MGP Khawmpi, Milongmun ah Upa Ordination (L) Rev. Khamzalian khut a pat a tang hi.
- 1958-2009 sung PWD (KHALASI) in ana sem hi.
- 1958-2009 sung, T. Daijang ZPCS, MGP a Belampu naa anasem hi.
- 1989 kum in Vengnuam, South, New Lamka ah innmun lei in YPA te deisahna toh ama theizingna ding in **T. Khupzavel Street** chi in ana minvawsah uhi.
- 2009-2022 sung Kanaan Veng ah ashitan Pasion Belampu naa ana sem hi.

Ama ahileh mifel, mitomngai, Nasep kukal, Tu leh ta khual leh Biehna lam ngai poimo mama mi ahia, date 21st August 2022 (Sunday) nai 2:00pm in leitung gentheina gam leh a itt angaiteng nuasie in ang na muolliem santa hi. Tuachin August 22, 2022 in Rev. P. C. Manga, Bieltu Pastor in vuina a neita hi.

ZPYF Column

9th ZPYF KHRISTIAN TANGKOU ISSUE

Pasian mapuina leh a umpina zalna in ZPYF in maban ah I Khawmpi ding u 66th ZPYF General Conference Tuining ah um ding ahina ah Pasian hoina tang in Prizete hing sponsortu ding akiholna a tam anuoi bang mu ahia. Tualeh amun awng nalaite hing Hattuummi Pasian nna sem ut ten hing sudimpi ding in iki ngen sawnsawn uhi :-

66th GENERAL CONFERENCE PRIZE SPONSOR KIBAWL DAN LEH AWNG NALAITA :-

Sl.No	Prize	Amount	Sponsor tu	Address	Cont.No.	Remark
1.	Unit Lapawlpi 1 st prize	Rs. 20,000/-	Upa. Lamkthong	Central Church	8014949624	Paid
2.	Unit Lapawlpi 2 nd prize	Rs. 15,000/-	Uniky Thangronem	Central Church		Bank transfer
3.	Light Choir 1 st prize	Rs. 15,000/-	Chiinneisiam	singngat	+8613268961626	Paid
4.	Light Choir 2 nd prize	Rs. 10,000/-				
5.	Quartet 1 st prize	Rs. 10,000/-				
6.	Quartet 2 nd prize	Rs. 8,000/-	Tv. Mangzakhai	Tongdam	9077629475	
7.	Bible Choreography 1 st prize	Rs. 15,000/-	Vungtulniang @ Boinu	Teisajiang	+8614748409309	
8.	Bible Choreography 2 nd prize	Rs. 10,000/-				
9.	Skits/drama 1 st prize	Rs.15,000/-				
10.	Skits/drama 2 nd prize	Rs. 10,000/-				
11.	Banner 1 st prize	Rs. 5,000/-	H. Thangkhingin	Lailam veng	8974612937	
12.	Banner 2 nd prize	Rs. 3,000/-	Elbee Thanglalbiak	Muollum	7085605331	
13.	Khutsiem Silbawl 1 st prize	Rs. 3,000/-	T. Khanliankhup	Ngulzen veng	9612591054	Paid
14.	Khutsiem Silbawl 2 nd prize	Rs. 2,000/-	M. Tuoilienhau	Central Church	7005961648	
15.	Khutsiem Silbawl 3 rd prize	Rs. 1,000/-	Rev. Dr. Hangpi Manlun	Lailam veng	9366479039	
16.	Khawmpi Labu	Rs. 25,000/-				
17.	Khawmpi bagdge	Rs. 20,000/-				
18.	ZPYF Album 2023 Lakhat ah(6)	1.Rs.10,000/-	Nh.Ngaihauching, in loving memory of(L)Luonngaimang	Tangpijol	+8613925527493	
		2.Rs.10,000/-	Pu Chinsuankap (Unit Lapawlpi)	MorehGamnuam veng	9362110596	
		3.Rs.10,000/-	Kimthamoi in loving memory of (L) Manglianching	Central Church		Bank transfer
		4.Rs.10,000/-				
		5.Rs.10,000/-				
		6.Rs.10,000/-				
19.	Competition booklet	Rs. 10,000/-				

Account a transfer utte ding ah details :-

- ACCOUNT NAME : ZOU PRESBYTERIAN YOUTH FELLOWSHIP
- ADDRESS : ZOMI COLONY, CHURACHANDPUR
- ACCOUNT NUMBER : 39488094836
- IFSC : SBIN006182
- MICR CODE : 795002504
- CIF NUMBER : 90585557033

For further information please contact the undersign :

1. Thangkhansiem, Music Secretary : 7085342928
2. Zamliangmung Moral & Religion : 9862851718
3. T. Naomi Goulianching, Youth Co-ordinator : 8413854088
4. P/P Samuel Khamsuankhai (Competition guide) : 8413817483

T. Naomi Goulianching
Youth Co-ordinator



ZPWF Column:

JULY HA SUNG A TUNNU LIMBEL PANPITE

(w.ef. 30th June to 1st August , 2022)

1. Kaplianmang, Central Church	Rs. 500
2. P. Church , Khawlmual	Rs. 1,980
3. Donneiching, Central Church	Rs. 500
4. Manneihoi, Tuibuang	Rs. 5,000
5. Julie lamneu , Awnchinkap Khuo	Rs. 2,000
6. Niangpi , Zomi Colony	Rs. 3,000
7. Nousuanching, Central Church	Rs. 500
8. Manneihat, Central Church	Rs. 1,000
9. Upa P. K. Soia, Tuining	Rs. 200
10. Lalrinmawi, Delhi	Rs. 1,000
11. P. Church, Muallum	
i. Nu Vungsuanching	Rs. 40
ii. Nu Nuamkhanngai	Rs. 40
iii. Nu Hoimang	Rs. 20
iv. Nh. Chinneihoi	Rs. 130
v. Pa Mangboi	Rs. 500
vi. Pa Thangkhamlam	Rs. 140
vii. Pa M. Zou	Rs. 10
viii. Nu Nienggaikim	Rs. 800
ix. Nu Suannieng	Rs. 100
x. Nu Ngaikhannieng	Rs. 20
xi. P. Dimkhannel	Rs. 10
xii. Pa Khamlienkhai	Rs. 10
xiii. Nh. Mangdeiching	Rs. 100
xiv. Pa Thangkhanhup	Rs. 10
xv. Pa Suanlianlal	Rs. 120
xvi. Nu Lampi	Rs. 20
xvii. Nu Vahcy	Rs. 20
xviii. Tv. Thangkhanmuan	Rs. 20
xix. Pa Kamenthang	Rs. 10

xx.	Nu Niengmuanchin	Rs.	10
xxi.	Nu Chinglienmankim	Rs.	100
xxii.	Pa Suanpao	Rs.	50
xxiii.	Pa Totong	Rs.	10
xxiv.	Nu Niengsien	Rs.	50
xxv.	Nu Niengngaiching	Rs.	20
xxvi.	Pa Hausuanthang	Rs.	50
xxvii.	Nu Nuamnu	Rs.	10
12. P. Church Tuining			
i.	Nu Nianngainiang	Rs.	120
ii.	Nu Hauching	Rs.	160
iii.	Upa Ginsuankhai	Rs.	1,295
iv.	Rev. Mangmuanthang	Rs.	300
v.	Pa. Lianchinthang	Rs.	120
vi.	Pa. Pauliankhup	Rs.	150
vii.	Nu H. Chinsianching	Rs.	110
viii.	Upa H.T Manga	Rs.	150
ix.	Nu Niangkang	Rs.	50
x.	Vungdeiching	Rs.	20
xi.	Donlam	Rs.	50
x.	Mankhoniang	Rs.	20
13. PWF D. Phailian Anntang Kg. 46			
14. PWF Tangpijol Anntang Kg. 47			
15. PWF Sabual Anntang Kg. 64			
16. PWF Buhsau Anntang kg .50			
17. PWF Zoumunnuam Anntang Kg. 59			
18. PWF LDCC Hiangzou Anntang Kg. 91			
19. PWF Chingmang Khuo Anntang Kg. 24			

Petu zousie Mangpa'n hing gualzawl ta hen.

Note : Adih lou khate Office a suh dih thei zing ahi.



PATRON MEMBER-TE

001. Upa Gouzamang	002. Pu Hav. Khamchinkhup	003. Pu Khamzalam	004. Pu Chinzasuan
005. (L) Upa Liansuanpau	006. Pu Khamchinthang	007. Pu S.Dalthang	008. Upa Kapkhanthang
009. (L) Upa Langginmang	010. Upa S. Nangkhanlal	011. Pu S. Lamkhotang	012. Upa Dr. M. Lachinkhai
013. Upa Khamchinjam	014. (L) Upa D.K.Manlun	015. Upa Suankhanmang	016. (L) Upa Khupgou
017. Upa Chinkham	018. Upa Ngulchinkham	019. (L) Rev. V. Vungzalian	020. Rev. Retd. Kamkhosoi
021. Rev. Retd. Tualzachin	022. Rev. (Rtd.) H. Nengzaton	023. Rev. Awnkhanhup	024. Rev. Dr. Hangpi Manlun Zou
025. (L) Pu Tuanzapau	026. (L) Rev. Ginchinjam	027. (L) Rev. Khamzasuan	028. Upa T. Lamkhotawng
029. Upa Khaichinmang	030. Rev. Stephen Chinzathang	031. Pu Khupkhanmang	032. Pu Khaidohlian
033. (L) Hav. Khamzahang	034. Pi Vungzanuam	035. Pu T. Gouzadou	036. Upa Liensuonkap
037. Pi Zelkchochiin	038. Pi Hatkhanvung	039. (L) Pi Ngaihoiching	040. Pi Mankhannieng
041. Pu Goukhanmang	042. Pi Chingzalam	043. Pu S. Thianzakhai	044. Pi Kamkhanching
045. Pu Haukhanpau	046. Pu Tuallianmang	047. (L) Pu Dongkap	048. (L) Pi Chingkhanmang
049. Pi Donkhonian	050. Upa Henzakhup	051. (L) Pu Saichinpau	052. Pu Goumang
053. (L) Upa Khamkhanhang	054. Shie Laangkhanlal	055. Pu Khamkhanlun	056. Upa L. Tualkhanpau
057. Upa Jamsianmung	058. Upa Ginzadong	059. Pu Kaizathang	060. Pi Goizanuom
061. Pi Thangneivah	062. Pu Khamzathang	063. Pi Donchin	064. Upa Liankhanmang
065. Pu Hauchinlun	066. Pu T. S. Lal	067. Pi Goichiin	068. (L) Pu T. Khupchinthang
069. Upa T. Kaizalam	070. Pu Paul Henkholal	071. (L) Pu Soikham	072. Rev. P.C. Manga
073. Rev. Khamchinkhai	074. Rev. Zamlianpau	075. Rev. Chinzapau	076. (L) Rev. Kamkhozam
077. (L) Upa Chinpu	078. Pu Zamkhanthang	079. Pu Chinglen	080. Miss Chinhaunieng
081. Upa P. K. Soia	082. Pu Goukhai	083. Pi Niangkhanmang	084. (L) Evan. G.L. Joshya
085. Pi S. Chingkhanmang	086. (L) Pu Vumchinkhup	087. Upa Khaihenthang	088. Upa T. C. Pau
089. Upa Nengchinkap	090. (L) Upa Jamkhongam	091. Upa HT Manga	092. Mrs. Vahkhohling
093. Pu Hauliankap	094. Pi Chinnu	095. (L) Upa Ngulzakhai	096. (L) Upa T. Gougin
097. Pu Ginsuanhau	098. (L) Upa Langminthang	099. (L) Rev. David K.Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thathang Taithul	104. Pu Kamkhankap
105. Bhim Prasad Ghatani	106. Rev. M. Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppa	114. (L) Rev. Mangsuanthang	115. (L) Pu Lamchinhou	116. Upa Pauchinlel
117. Nu Kimneihoi	118. Upa Kamgenpau	119. Nh. Niangsuannuam	120. Nu Ngaikhanvung
121. Pu P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	128. Upa Lunchinthang
129. Pu P. Tongthang Zou	130. H. Nehzamang	131. Pu Thangsuankhup	132. Upa M. Kamzadou
133. Pu Jamkholian Munlao	134. Pu Sianzakhai	135. Upa Thanggingsuan	136. Pu Kapminlun
137. Pi Tingzavah	138. Dr. M. Limlunthang Zou	139. Rev Hauzalian Manlun	140. P/P Suanglianpau
141. Rev. Ginlianmang	142. Upa L. Mangminthang Zou	143. Upa Goukhanthang	144. M. Thangsuansang Zou

LIFE MEMBER-TE

001. (L) Upa T. Khupkhenpau	002. (L) Pu M. Ginzahau	003. (L) Pu Selzapau	004. Pu L.C. Pautungnung
005. (L) Pi Khamkhannieng	006. Pi Ngainuam	007. Upa Chinsuanthang	008. Upa Shanti Kumar
009. Pu Kamkhohau	010. (L) Pu Khamkhohau	011. Upa Khamzathang	012. Upa Chinkhanthang
013. (L) Pu Tongzathang	014. Pi Chiinneilam	015. Upa Kulthang	016. H/Sm. Upa Kaichinpau
017. Pi Niangzalam	018. Upa P. Doukholon	019. Pu Kapminlian	

Undelivered

Please return to:

The Editor

KHRISTIAN TANGKOU

ZPCS Office, Zomi Colony

Churachandpur - 795 128

P.O. Box - 48, Manipur, India

Synod Office Telephone No. (03874) 235105

Website: zousynod.org | email: info@zousynod.org

zpcs@rediffmail.com/zousynod05@gmail.com

To,
